

Visoki predstavnik okončava zloupotrebu naziva ulica u Mostaru

Visoki predstavnik Paddy Ashdown je danas donio Odluku kojom je svim gradskim općinama u gradu Mostaru stavio moratorijum na promjenu naziva ulica, trgova, mostova i svih sličnih javnih mjesta te naročito zabranio bilo koju aktivnost s tim u vezi a za koju se smatra da je provokacija koja može nanijeti štetu reorganizaciji Mostara.

“Vrijeme je da se politika izvuče iz ovog pitanja”, rekao je visoki predstavnik kada je donosio ovu Odluku.

“Mehanizam postoji unutar Statuta grada Mostara, koji osigurava da se nazivi mjesta neće koristiti kao provokacija, te se pitanje naziva ne može iskoristiti kao sredstvo koje bi poremetilo velike napore građana Mostara da iza sebe ostave trusnu prošlost i krenu naprijed ka pozitivnoj budućnosti.”

Ovom Odlukom visokog predstavnika sve odluke donešene poslije 28. januara 2004. godine kojima se dodjeljuju novi nazivi su nelegalne i nastojanja da se promjene postojeći nazivi su suspendovana dok i ukoliko ove odluke usvoji Gradsko vijeće, u skladu sa Statutom grada Mostara.